



Republika e Kosovës  
Republika Kosova - Republic of Kosovo  
Komisioni Qendror i Zgjedhjeve  
Centralna Izborna Komisija  
Central Election Commission



**ZYRA PËR REGJISTRIMIN, CERTIFIKIMIN DHE KONTROLLIN FINANCIAR TË SUBJEKTEVE POLITIKE (Zyra) NË KOMISIONIN QENDROR TË ZGJEDHJEVE (KQZ)** sipas autorizimeve të dhëna me paragrafin 1 të nenit 21 dhe në përputhje me nënparagrafin 1, paragrafi 6 të Ligjit për Financimin e Subjekteve Politike (LFSP), me datën 10.07.2024, merr këtë:

**VENDIM**

**Për shqiptimin e gjobës për subjektin politik GRAÐANSKA INICIATIVA ZA SLOBODU PRAVDU I OPSTANAK**

- I. Subjektit politik GRAÐANSKA INICIATIVA ZA SLOBODU PRAVDU I OPSTANAK, i shqiptohet gjoba në vlerë katër mijë (4,000) euro për shkeljen sipas nënparagrafit 1, paragrafi 6 i nenit 21 të LFSP.
- II. Subjekti politik GRAÐANSKA INICIATIVA ZA SLOBODU PRAVDU I OPSTANAK, obligohet që brenda tridhjetë (30) ditësh pas pranimit të këtij vendimi, të paguaj shumën e gjobës së shqiptuar sipas pikës I të këtij vendimi dhe të dorëzojë në Zyrës një kopje të fletëpagesës së gjobës së paguar.
- III. Nëse subjekti politik GRAÐANSKA INICIATIVA ZA SLOBODU PRAVDU I OPSTANAK, nuk paguan gjobën brenda tridhjetë (30) ditëve pas pranimit të vendimit të Zyrës, subjektit politik nuk i transferohen mjetet financiare nga Fondi për Mbështetjen e Subjekteve Politike në shumë e gjobës së shqiptuar.
- IV. Vendimet e Zyrës për shqiptimin e gjobave hyjnë në fuqi në ditën e nënshkrimit dhe janë përfundimtare dhe të ekzekutueshme.

**Arsyetim**

Subjekti politike GRAÐANSKA INICIATIVA ZA SLOBODU PRAVDU I OPSTANAK, është subjekt politik i përfaqësuar në Kuvendin e Kosovës sipas rezultateve të Zgjedhjeve për Kuvendin e Kosovës të certifikuar nga Komisioni Qendror i Zgjedhjeve me vendimin nr. 950/2021 të datës 13 mars 2021. Ky subjekt politik përfiton mjete financiare nga Fondi për Mbështetjen e Subjekteve Politike, në përputhje me nenin 9 të LFSP.

Subjekti politik GRAÐANSKA INICIATIVA ZA SLOBODU PRAVDU I OPSTANAK, ka bërë pagesën e gjobës së shqiptuar nga Paneli Zgjedhor për Ankesa dhe Parashpresa (PZAP) përmes vendimit A.nr. 156/ 2019, të datës 04.10.2019 për z. N. R. kandidat për deputet për Kuvendin e Kosovës nga subjekti politik i certifikuar Sloboda, në vlerën 5,100 euro.

Pagesa e gjobës në vlerën 4,000 euro, është bërë përmes transaksionit bankar nga banka komerciale Raiffeisen BANK, me datën 19.04.2023, nga subjekti politik GRAĐANSKA INICIATIVA ZA SLOBODU PRAVDU I OPSTANAK. Ndërsa, pjesa e mbetur e gjobës, në vlerën 1,100 euro, është realizuar përmes transferit bankar nga llogaria bankare e bankës komerciale NLB Banka Prishtinë nga N. R., me datën 28.04.2021. Pagesat e realizuara përmes transfereve bankare dëshmohen edhe nga PZAP.

Pagesa e realizuar përmes transaksionit bankar me datën 19.04.2023 në vlerën katër mijë (4,000) euro, është në kundërshtim me qëllimin e përdorimit të mjeteve financiare nga Fondi për Mbështetjen e Subjekteve Politike, siç përcaktohet në nenin 8 të LFSP.

Subjekti politik GRAĐANSKA INICIATIVA ZA SLOBODU PRAVDU I OPSTANAK, obligohet që pagesën ta kryejë brenda tridhjetë (30) ditëve pas pranimit të vendimit për shqiptimin e gjobës përmes komunikimit zyrtar elektronik. Pagesa e gjobës duhet të dëshmohet përmes dorëzimit të kopjes së fletëpagesës në Zyrë. Në rast të dështimit të pagesës së gjobës brenda afatit të dhënë si në pikën II të këtij vendimi, subjektit politik nuk i transferohen mjetet financiare nga Fondi për Mbështetjen e Subjekteve Politik në shumë e gjobës së shqiptuar.

**Nga sa u tha më lartë, Zyra vendos për shqiptimin e gjobës në vlerë prej katër mijë (4,000) euro, sipas dispozitivit të këtij vendimi.**

Prishtinë, 10.07.2024

Drejtori i Zyrës



Besnik Buzhala

Vendimi i dërgohet:

- Kryetarit të subjektit politik GRAĐANSKA INICIATIVA ZA SLOBODU PRAVDU I OPSTANAK
- Përfaqësuesit të autorizuar financiar të subjektit politik GRAĐANSKA INICIATIVA ZA SLOBODU PRAVDU I OPSTANAK.

**Këshilla juridike:** Subjekti politik mund të inicojë padi kundër vendimit të Zyrës për shqiptimin e gjobave, pranë gjykatës kompetente të shkallës së parë, brenda afatit prej tridhjetë (30) ditësh, pas njoftimit për vendimin. Inicimi i padisë nuk e ndalon ekzekutimin e këtij vendimi.